



## დუშეთის მუნიციპალიტეტის საკრებულოს

### განკარგულება №113

2015 წლის 25 დეკემბერი

ქ.დუშეთი

### დუშეთის მუნიციპალიტეტის 2016–2019 წლების პრიორიტეტების დოკუმენტის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის პირველი, მე-2 პუნქტების და ამავე კანონის 24-ე მუხლის მე-2 პუნქტის შესაბამისად, დუშეთის მუნიციპალიტეტის საკრებულომ

გადაწყვიტა:

1. დამტკიცდეს დუშეთის მუნიციპალიტეტის 2016–2019 წლების პრიორიტეტების დოკუმენტი (დანართი N1).

2. განკარგულება ძალაშია გამოქვეყნებისთანავე.

საკრებულოს თავმჯდომარე

გიორგი ლაფანაშვილი

**დუშეთის მუნიციპალიტეტის 2016-2019 წლების პრიორიტეტების  
დოკუმენტი**

# დუშეთის მუნიციპალიტეტის პრიორიტეტების დოკუმენტი

## 2016-2019 წლებისათვის

დუშეთის მუნიციპალიტეტის განვითარების ძირითადი გეგმის განსაზღვრის მიზნით, შემუშავდა 2016-2019 წლების საშუალოვადიანი სამოქმედო გეგმა და ჩამოყალიბდა მუნიციპალიტეტის განვითარების ძირითადი პრიორიტეტები. დუშეთის მუნიციპალიტეტის პრიორიტეტული მიმართულებებია: ინფრასტრუქტურის მშენებლობა რეაბილიტაცია და ექსპლოატაცია, განათლება, კულტურა, რელიგია ახალგაზრდობის ხელშეწყობა და სპორტი, მოსახლეობის ჯანმრთელობის დაცვა და სოციალური უზრუნველყოფა და თავდაცვა. აღნიშნული ასახავს დუშეთის მუნიციპალიტეტის განვითარების სტრატეგიულ გეგმას და პრიორიტეტულ მიმართულებებს.

## 2014-2015 წლების მოკლე მიმოხილვა

დუშეთის მუნიციპალიტეტის 2014 წლის ბიუჯეტის შემოსულობების გეგმა განსაზღვრული იყო 12 134,3 ათასი ლარის ოდენობით, ფაქტობრივმა შემოსავალმა შეადგინა 12918,9 ათასი ლარი.

სახელმწიფო ბიუჯეტიდან გამოყოფილმა ტრანსფერებმა ბიუჯეტში შეადგინა 9 791,9 ათასი ლარი. მათ შორის: გათანაბრებითი ტრანსფერი - 3 220,2 ათასი ლარი, მიზნობრივი ტრანსფერი დელეგირებული უფლებამოსილების განსახორციელებლად - 101,2 ათასი ლარი, ფონდებიდან გამოყოფილმა ტრანსფერებმა შეადგინა - 6 470,5 ათასი ლარი, აქედან: საქართველოს რეგიონებში განსახორციელებელი პროექტების ფონდი - 2 859,7 ათასი ლარი, სოფლის მხარდაჭერის პროგრამა - 1 507,3 ათასი ლარი და სტიქიის შედეგების სალიკვიდაციო ღონიძიებისთვის გამოყოფილმა თანხის ოდენობამ შეადგინა - 2 103,5 ათასი ლარი.

ნაშთმა წლის ბოლოსათვის შეადგინა 5 044,0 ათასი ლარი. ფინანსური აქტივების (ნაშთი) ზრდამ შეადგინა 2 683,3 ათასი ლარი.

დუშეთის მუნიციპალიტეტის 2014 წლის ბიუჯეტის მიხედვით, გადასახდელების გეგმა განსაზღვრული იყო 14 424,0 ათასი ლარით, საკასო შესრულებამ შეადგინა 10 241,0 ათასი ლარი. მათ შორის:

წარმომადგენლობითი და აღმასრულებელი ორგანოების დაფინანსება - გეგმა - 3 320,0 ათასი ლარი; ფაქტი - 2 507,3 ათასი ლარი;

თავდაცვა საზოგადოებრივი წესრიგი და უსაფრთხოება - გეგმა 236,5 ათასი ლარი; ფაქტი - 219,5 ათასი ლარი;

ინფრასტრუქტურის მშენებლობა, რეაბილიტაცია და ექსპლოატაცია - გეგმა- 8369,4 ათასი ლარი, ფაქტი - 5 322,3 ათასი ლარი;

საგანმანათლებლო ღონისძიებების დაფინანსება - გეგმა - 1027,6 ათასი ლარი, ფაქტი - 932,5 ათასი ლარი;

კულტურა, რელიგია, ახალგაზრდობის ხელშეწყობა და სპორტი - გეგმა - 766,7 ათასი ლარი, ფაქტი - 739,3 ათასი ლარი;

მოსახლეობის ჯანმრთელობის დაცვისა და სოციალური უზრუნველყოფის პროგრამების დაფინანსება - გეგმა - 703,8 ათასი ლარი, ფაქტი - 520,1 ათასი ლარი;

დუშეთის მუნიციპალიტეტის 2015 წლის დაზუსტებული ბიუჯეტის მიხედვით შემოსულობების წლიური გეგმა განსაზღვრულია 11 649,9 ათასი ლარის ოდენობით, საიდანაც 9084,9 ათასი ლარი არის ცენტრალური ბიუჯეტიდან გამოყოფილი ფინანსური დახმარება, (გათანაბრებითი ტრანსფერი - 3645,0 ათასი ლარი, მიზნობრივი ტრანსფერი დელეგირებული უფლებამოსილების განსახორციელებლად - 110,0 ათასი ლარი, ფონდებიდან გამოყოფილი ტრანსფერები - 5329,9 ათასი ლარი), 97,3 ათასი ლარი არის საერთაშორისო ორგანიზაციებიდან და სხვა ქვეყნის მთავრობებიდან მიღებული გრანტი და საკუთარი სახრები 2467,7 ათასი ლარი (საგადასახადო შემოსავლები - 1750,0 ათასი ლარი, სხვა შემოსავლები - 612,7 ათასი ლარი და არაფინანსური აქტივებიდან მიღებული შემოსავალი - 105,0 ათასი ლარი).

2015 წლის დაზუსტებული ბიუჯეტის მიხედვით გადასახდელების გეგმა შეადგენს 16 639,5 ათას ლარს, საიდანაც: წარმომადგენლობითი და აღმასრულებელი ორგანოების დაფინანსებაზე გათვალისწინებულია 3294,9 ათასი ლარი, თავდაცვა, საზოგადოებრივი წესრიგი და უსაფრთხოებაზე 224,7 ათასი ლარი, ინფრასტრუქტურის მშენებლობა-რეაბილიტაცია და ექსპლოატაციაზე 9 625,3 ათასი ლარი, საგანმანათლებლო ღონისძიებებზე 1 649,6 ათასი ლარი, კულტურა, რელიგია, ახალგაზრდობასა და სპორტის განვითარებაზე 1 007,5 ათასი ლარი, მოსახლეობის ჯანმრთელობისა დაცვასა და სოციალურ პროგრამებზე 837,5 ათასი ლარი.



**დუშეთის მუნიციპალიტეტის წარმომადგენლობითი და აღმასრულებელი  
ორგანოების და პრიორიტეტების მოცულობები 2014-2019 წლებში**

ათასი ლარი

№	დასახელება	2014 წლის ფაქტი	2015 წლის გეგმა	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
1	ინფრასტრუქტურის მშენებლობა რეაბილიტაცია და ექსპლოატაცია	5322.3	9625.3	4688.7	4542.5	4877.5	5178.5
2	განათლება	932.5	1649.6	1097.1	1335.9	1358.6	1370.9
3	კულტურა რელიგია ახალგაზრდობის ხელშეწყობა და სპორტი	739.3	1007.5	1116.2	1190.0	1347.3	1421.8
4	მოსახლეობის ჯანმრთელობის დაცვა და სოციალური უზრუნველყოფა	520.1	837.5	504.1	729.8	767.8	812.1
5	თავდაცვა და უსაფრთხოება	219.5	224.7	61.9	59.5	59.5	59.5
6	წარმომადგენლობითი და აღმასრულებელი ორგანოების დაფინანსება	2507.3	3294.9	2588.0	3258.5	3276.8	3187.0

**დუშეთის მუნიციპალიტეტის პრიორიტეტების, პროგრამების მათი აღწერის, მოსალოდნელი  
შედეგებისა და შეფასების ინდიკატორები**

**1. ინფრასტრუქტურის მშენებლობა რეაბილიტაცია და ექსპლოატაცია**

დუშეთის მუნიციპალიტეტის ეკონომიკური განვითარებისათვის აუცილებელი პირობაა მუნიციპალური ინფრასტრუქტურის შემდგომი გაუმჯობესება. აღნიშნული მიმართულება ბიუჯეტის ერთ-ერთ მთავარ პრიორიტეტს წარმოადგენს. პრიორიტეტის ფარგლებში გაგრძელდება საგზაო ინფრასტრუქტურის მშენებლობა-რეაბილიტაცია, კომუნალური ინფრასტრუქტურის მშენებლობა-რეაბილიტაცია და ექსპლოატაცია, სოფლის მხარდაჭერის პროგრამის ფარგლებში განსახორციელებელი პროექტები, კეთილმოწყობის ღონისძიებები, მშენებლობისა და რეაბილიტაციის გარდა, პრიორიტეტის ფარგლებში დაფინანსდება არსებული ინფრასტრუქტურის მოვლა- შენახვა და მის ექსპლოატაციასთან დაკავშირებული ხარჯები.

N	დასახელება	2014 წლის ფაქტი	2015 წლის გეგმა	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
1	ინფრასტრუქტურის მშენებლობა რეაბილიტაცია და ექსპლოატაცია	5322.3	9625.3	4688.7	4542.5	4877.5	5178.5
1.2	საგზაო ინფრასტრუქტურის მშენებლობა რეაბილიტაცია და მოვლა შენახვა	1093.9	2999.1	3129.0	2930.8	3467.2	3584.4
1.2.1	გზების მშენებლობის, რეკონსტრუქციისა და მოვლა-შენახვის ხარჯები	974.9	2844.1	3029.0	2800.8	3317.2	3424.4
1.3	საკავერო ტრანსპორტის მომსახურების ხარჯი	119.0	155.0	100.0	130.0	150.0	160.0
1.4	კომუნალური ინფრასტრუქტურის მშენებლობა-რეაბილიტაცია და ექსპლოატაცია	910.4	541.2	834.1	1003.7	802.9	966.5
1.4.1	გარე განათების მოწყობა რეაბილიტაცია და ექსპლოატაცია	100.2	128.7	224.4	131.5	100.0	110.0
1.4.2	დასუფთავების ღონისძიებები	2.5	0.0	0.0	0.0	0.0	0.0
1.4.3	საკანალიზაციო სისტემის მოწყობა და რეაბილიტაცია	0.6	19.9	313.5	250.0	250.0	250.0
1.4.4	წყლის სისტემის რეაბილიტაცია და ექსპლოატაცია	536.6	305.7	161.0	218.5	176.2	116.3
1.4.5	გაზგაყვანილობის სისტემის მოწყობა, რეაბილიტაცია და ექსპლოატაცია	0.0	7.0	0.0	0.0	0.0	0.0
1.4.6	სარწყავი არხებისა და ნაპირსამგრი ნაგებობების მოწყობა-რეაბილიტაცია	194.3	79.9	135.2	403.7	276.7	490.2
1.4.7	ბინათმშენებლობა	76.2	0.0	0.0	0.0	0.0	0.0
1.5	სოფლის მხარდაჭერის პროგრამის ფარგლებში განსახორციელებელი პროექტები	1412.3	1794.6	0.0	0.0	0.0	0.0
1.6	კეთილმოწყობის ღონისძიებები	485.7	1279.7	715.6	608.0	607.4	627.6
1.6.1	სპორტული მოედნების მოწყობა	22.5	7.0	152.6	0.0	0.0	0.0
1.6.2	ქალაქის გამწვანების ღონისძიებები	4.5	0.0	0.0	0.0	0.0	0.0
1.6.3	ბაღებისა, სკვერების, სავაჭრო პავილიონების მოწყობა და კულტურული ძეგლების რეაბილიტაცია	55.4	706.1	36.5	33.6	22.1	27.3
1.6.4	ა(ა)იპ"დუშეთის მუნიციპალიტეტის კეთილმოწყობის სამსახურის" ხელშეწყობა	403.3	566.6	526.5	574.4	585.3	600.3
1.7	სტიქიის შედეგების სალიკვიდაციო ღონისძიებების დაფინანსება	1375.4	2660.1	0.0	0.0	0.0	0.0
1.8	სამშენებლო სამუშაოების ზედამხედველობის, საპროექტო-სახარჯთაღრიცხვო, ექსპერტიზის და ქალქმშენებლობითი დოკუმენტაციის შედგენის ხარჯები	44.6	350.6	10.0	0.0	0.0	0.0

## 1.2 საგზაო ინფრასტრუქტურის მშენებლობა რეაბილიტაცია და მოვლა შენახვა

მუნიციპალიტეტში სატვირთო და სამგზავრო გადაზიდვების დიდი ნაწილი ავტოტრანსპორტზე მოდის, ამიტომ საგზაო ინფრასტრუქტურის განვითარების ერთ-ერთ მნიშვნელოვან მიმართულებას წარმოადგენს საავტომობილო გზების, ხიდების და ბოგირების მშენებლობის აუცილებლობა. მნიშვნელოვანია საკურორტო ცენტრებთან, ისტორიულ და კულტურულ ძეგლებთან მისასვლელი გზების რეკონსტრუქცია და მოდერნიზება, ასევე მნიშვნელოვანია საჰაერო ტრანსპორტი მაღალმთიანი სოფლებისათვის (მატილი, არხოტი), სადაც დიდ თოვლობის დროს ავტოტრანსპორტით მისვლა შეუძლებელია. საჰაერო ტრანსპორტი ამ დროს იძენს სასიცოცხლო მნიშვნელობას მაღალმთიანი სოფლებისთვის.

### მოსალოდნელი საბოლოო შედეგი:

- მგზავრთა შეუფერხებელი, კომფორტული და უსაფრთხო გადაადგილება;
- სოფლის მოსახლეობის რაიონულ ცენტრებთან და ქალაქებთან დაკავშირება;
- მოსახლეობის სოციალური მდგომარეობის გაუმჯობესება;
- ეკონომიკური და ტურისტული ინტენსივობის ზრდა;
- მოდერნიზებული და რეაბილიტირებული საგზაო ინფრასტრუქტურა.

### შედეგების შეფასების ინდიკატორები:

- რეაბილიტირებული და ახალი გზების რაოდენობა;
- გადაადგილების დრო და სატრანსპორტო ხარჯები;
- უბედური შემთხვევების რაოდენობის შემცირება;
- მოწესრიგებული ქუჩების და გზების ფართობი;
- გაზრდილი ტურისტების რაოდენობა.

### 1.2.1 გზების მშენებლობის რეკონსტრუქციისა და მოვლა შენახვის ხარჯები

დუშეთის მუნიციპალიტეტის ერთ-ერთ ძირითად მიზანს წარმოადგენს გზების რეაბილიტაცია და მგზავრთა შეუფერხებელი და უსაფრთხო გადაადგილება, რომლის ფარგლებშიც მომდევნო 4 წლის განმავლობაში მუნიციპალიტეტში შემავალ სოფლებში რეაბილიტირებული იქნება ძირითადი გზები, მოიხრეშება და მოსწორდება სოფლების შიდა საუბნო გზები, რეაბილიტირებული იქნება ცენტრიდან სოფლებთან დამაკავშირებელი გზები, ქ.დუშეთში დასრულდება შიდა საუბნო გზების მოასფალტება, დუშეთის მუნიციპალიტეტის რამოდენიმე სოფელში და ქ.დუშეთის რამოდენიმე ქუჩაზე იგეგმება სიჩქარის შემზღვეველი ბორცვების მოწყობა ადგილობრივი მოსახლეობის უსაფრთხოების მიზნით. იგეგმება დუშეთის მუნიციპალიტეტის სოფლებში ხიდების სარეაბილიტაციო სამუშაოები, ბოგირების და



საცალფეხო დაკიდული ხიდების მოწყობა-რეაბილიტაცია. აღნიშნული პროექტების განხორციელების შედეგად ძირითადად მოწესრიგდება შიდა სატრანსპორტო მიმოსვლა, შემცირდება ცენტრიდან სოფლებამდე და სოფლებს შორის მიმოსვლის დრო, გაიზრდება ტურისტთა რაოდენობა, რის შედეგადაც გაიზრდება მუნიციპალიტეტის ეკონომიკური აქტივობა და გაუმჯობესდება მოსახლეობის სოციალური მდგომარეობა.

### 1.3 საჰაერო ტრანსპორტით მომსახურება

ქვეპროგრამა ითვალისწინებს მეწყერების, დიდთოვლობის შედეგად ჩაკეტილი გზების და გადაუდებელი სამედიცინო დახმარების შემთხვევაში, მუნიციპალიტეტის მაღალმთიან სოფლებში, შატილსა და არხოტში საჰაერო ტრანსპორტით მომსახურებას.

### 1.4 კომუნალური ინფრასტრუქტურის მშენებლობა-რეაბილიტაცია და ექსპლოატაცია

მუნიციპალიტეტის პრიტორიტეტს წარმოადგენს კომუნალური მეურნეობის განვითარება, რომლის ფარგლებშიც მომდევნო წლების განმავლობაში ყველა იმ სოფელში, რომლებშიც ამ ეტაპზე ვერ მოხერხდა სასმელი წყლის მიწოდება და გარე განათების მოწყობა, მოხდება მომდევნო წლებში აღნიშნული პროექტების განხორციელება, აგრეთვე მოეწყობა წყალგაყვანილობის სისტემები, სარწყავი არხები და ნაპირსამაგრი ნაგებობები. რეაბილიტაცია ჩაუტარდება სოფლებში დაზიანებულ წყალგაყვანილობის სისტემებს, მოწესრიგდება საკანალიზაციო სისტემები. დამატებით იქნება შესყიდული ნაგავმზიდი მანქანები და ნაგვის კონტეინერები. ზემოაღნიშნული ღონისძიების განხორციელების შედეგად გაუმჯობესდება მუნიციპალიტეტში დასახლებული მოსახლეობის საცხოვრებელი პირობები და შემცირდება მათი მიგრაციის პროცესი.

#### მოსალოდნელი საბოლოო შედეგები:

- გაუმჯობესებული სანიტარული პირობები;
- მოსახლეობის საცხოვრებელი პირობების გაუმჯობესება;
- გამართული კომუნალური ინფრასტრუქტურა;
- განათებული ქალაქი და ობიექტების მინათებით მხატვრული ეფექტის გაზრდა;
- განათებულ ქუჩებში მოსახლეობის და სატრანსპორტო საშუალებების უსაფრთხო გადაადგილება;
- კრიმინოგენული ფაქტორების შემცირება;
- სანიაღვრე ქსელის გამართული ფუნქციონირება, ქალაქის კომუნალური მეურნეობის მოწესრიგება, ეკოლოგიურად სუფთა გარემოს შექმნა;
- ქალაქში დატბორილი ადგილების აღმოფხვრა, ტრანსპორტის ფუნქციონირების ხელშეწყობა.

#### შედეგების შეფასების ინდიკატორები:

- განათებული სოფლების რაოდენობა;
- განათებული ქუჩების რაოდენობა და განათების ინტენსივობა;

- გატანილი ნარჩენების რაოდენობა;
- რეაბილიტირებული ინფრასტრუქტურული ობიექტების რაოდენობა;
- გაწმენდილი და გასუფთავებული სანიაღვრე მიწების, კოლექტორების და წვიმმომღები ჭების რაოდენობა;
- დაკმაყოფილებული ოჯახების რაოდენობა.

#### 1.4.1 გარე განათების მოწყობა-რეაბილიტაცია და ექსპლოატაცია

დღე-ღამის ნებისმიერ დროს, მოსახლეობის როგორც ქალაქად ისე სოფლად, კომფორტული და უსაფრთხო გადაადგილებისათვის აუცილებელ პირობას წარმოადგენს მუნიციპალიტეტის ღამით განათება, რისი გათვალისწინებითაც ქვეპროგრამის ფარგლებში დაფინანსდება გარე განათების ქსელის რეაბილიტაცია და ექსპლოატაცია. ქვეპროგრამის მიზანია ქალაქში განათებული ქუჩების და მხატვრულად მინათებული შენობა-ნაგებობების რაოდენობისა და განათების ინტენსიობის გაზრდა.

#### 1.4.3 საკანალიზაციო სისტემების მოწყობა - რეაბილიტაციის ღონისძიებები

ქვეპროგრამის ფარგლებში მუნიციპალიტეტის ტერიტორიაზე გაგრძელდება საკანალიზაციო სისტემების მშენებლობა-რეაბილიტაცია.

#### 1.4.4 წყლის სისტემის რეაბილიტაცია და ექსპლოატაცია

ქვეპროგრამის ფარგლებში გასულ წლებში ეტაპობრივად მიმდინარეობდა წყალმომარაგების სისტემის რეაბილიტაცია, რაც გაგრძელდება მომდევნო წლების განმავლობაშიც.

#### 1.4.6 სარწყავი, სანიაღვრე არხებისა და ნაპირსამაგრი ნაგებობების მოწყობა - რეაბილიტაცია

მუნიციპალიტეტის კომუნალური მეურნეობისათვის განსაკუთრებით დიდი მნიშვნელობა ენიჭება სანიაღვრე ქსელების და კოლექტორების მოვლა-პატრონობას, გარკვეული ნაწილის აღდგენა-რეაბილიტაციას და სარეკონსტრუქციო სამუშაოებს. სანიაღვრე ქსელებისა და კოლექტორების გარკვეული ნაწილი ამორტიზირებულია და მოითხოვს განახლებას, ხოლო ქსელების ნაწილი სარეკონსტრუქციოა. ქვეპროგრამა ითვალისწინებს სანიაღვრე ქსელების და ნაპირსამაგრი ნაგებობების მოვლა-პატრონობას (ექსპლოატაცია), მიმდინარე შეკეთებას, სანიაღვრე კოლექტორების, წვიმმომღებების, საკონტროლო ჭების, გვერდმომღებების მოწყობას, კიუვეტების გაწმენდას. ქვეპროგრამის მიზანია სანიაღვრე ქსელების ნორმალური ფუნქციონირება, სანიაღვრე და სადრენაჟე ქსელების სათავე ნაგებობების წესრიგში მოყვანა, იგეგმება აგრეთვე დამცავი გაბიონების მოწყობა და დაზიანებულების აღდგენა.

#### 1.6 კეთილმოწყობის ღონისძიებები

პროგრამის მიზანია მუნიციპალიტეტისთვის მნიშვნელოვანი და აუცილებელი კეთილმოწყობის ღონისძიებების სრულყოფილად და ეფექტურად განხორციელება. პროგრამის

ფარგლებში განხორციელდება დაზიანებული ინფრასტრუქტურის ობიექტების აღდგენა – რეაბილიტაცია; მუნიციპალიტეტის ტერიტორიაზე სხვადასხვა ობიექტების კეთილმოწყობა, მოვლა-პატრონობა; მუნიციპალიტეტის ინფრასტრუქტურის განვითარებისათვის მიმართულია მრავალმხრივი სამუშაოები, რათა გაუმჯობესდეს მუნიციპალიტეტის ტერიტორიაზე არსებული ინფრასტრუქტურა, შეიქმნას მოსახლეობისათვის სათანადო სანიტარული, ეკოლოგიური და საყოფაცხოვრებო პირობები. პროგრამის ფარგლებში, დაგეგმილია გარე განათების ქსელის მოვლა-პატრონობა, უპატრონო ძაღლების თავშესაფარში გადაყვანა და ქალაქის გამწვანება.

#### **მოსალოდნელი საბოლოო შედეგები:**

- გაუმჯობესებული ინფრასტრუქტურა;
- მოვლილი, გამწვანებული სკვერები და გაზონები;
- მოსახლეობისათვის დასასვენებელი პირობების გაუმჯობესება;
- მოსახლეობისთვის უსაფრთხო და სასიამოვნო გარემოს შექმნა, საცხოვრებელი პირობების გაუმჯობესება;
- სპორტული ინფრასტრუქტურის განვითარება.

#### **შედეგების შეფასების ინდიკატორები:**

- რეაბილიტირებული და ახალი ინფრასტრუქტურული ობიექტების რაოდენობა;
- შემცირებული ნარჩენების რაოდენობა;
- შემცირებული უპატრონო ძაღლების რაოდენობა.

### **1.6.1 სპორტული მოედნების მოწყობა**

ქვეპროგრამის ფარგლებში იგეგმება ქ. დუშეთში და მუნიციპალიტეტის სხვადასხვა სოფლებში მინი სტადიონების და სპორტული დარბაზების მოწყობა-რეაბილიტაცია, რაც ხელს შეუწყობს ახალგაზრდებში ჯანსაღი ცხოვრების წესის დამკვიდრებას.

### **1.6.3 ბაღებისა, სკვერების, სავაჭრო პავილიონების მოწყობა და კულტურული ძეგლების რეაბილიტაცია**

მომდევნო ოთხი წლის განმავლობაში გარძელებულია სკვერების მოწყობა-რეაბილიტაცია, რაც მნიშვნელოვნად ხელს შეუწყობს მუნიციპალიტეტის ტურისტული პოტენციალის გაზრდას და მუნიციპალიტეტის იერსახის გაუმჯობესებას.

### **1.6.4 ა(ა)იპ დუშეთის მუნიციპალიტეტის კეთილმოწყობის სამსახურის ხელშეწყობა**

დუშეთის მუნიციპალიტეტის იერსახის, სისუფთავის და სანიტარული მდგომარეობის გაუმჯობესება მუნიციპალიტეტის მთავარ პირობას წარმოადგენს. ქვეპროგრამის ფარგლებში, დაგეგმილია ქალაქის, დაბების, რიგი სოფლების დაგვა-დასუფთავება და ნარჩენების გატანა. აღნიშნული სამსახური აგრეთვე უზრუნველყოფს გარე განათების მოვლა-პატრონობას, მაწანწალა

ცხოველების დაჭერას და მათ გადაყვანას სპეციალიზებულ თავშესაფარში, რითაც უზრუნველყოფილი იქნება მათი რაოდენობის მინიმუმამდე დაყვანა და შესაძლო საფრთხეების თავიდან აცილება.

## 2. განათლება

საბავშვო ბაღების აღსაზრდელთა განვითარების ხელშეწყობა და სრულფასოვანი სააღმზრდელო გარემოს შექმნა უზრუნველყოფს საგანმანათლებლო - სააღმზრდელო და კულტურული გარემოს მნიშვნელოვან გაუმჯობესებას, საზოგადოების აქტიურ ჩართვას მიმდინარე საგანმანათლებლო-სააღმზრდელო და კულტურულ პროცესებში, მათ ინტელექტუალური და შემოქმედებითი უნარების სტიმულირებას, ადგილობრივი საგანმანათლებლო - სააღმზრდელო და კულტურული დაწესებულებების მუშაობის გაუმჯობესებას, დახვეწასა და მოსახლეობის ინტერესებზე მორგებას. პრიორიტეტის ფარგლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება. გარდა ამისა, განხორციელდება სკოლა-პანსიონების დაფინანსება მოსწავლეთა ხელშეწყობის მიზნით.

ათასი ლარი

N	დასახელება	2014 წლის ფაქტი	2015 წლის გეგმა	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
2	განათლება	932.5	1649.6	1097.1	1335.9	1358.6	1370.9
2.1	ა (ა) იპ „დუშეთის მუნიციპალიტეტის სკოლამდელი აღზრდის ცენტრის“ ხელშეწყობა	825.8	1538.0	981.1	1192.6	1200.8	1203.6
2.2	საჯარო სკოლების რეაბილიტაცია და მოსწავლეთა ტრანსპორტირება	6.9	0.0	0.0	0.0	0.0	0.0
2.3	ა (ა) იპ „დუშეთის მოსწავლეთა ხელშეწყობის ცენტრის“ დაფინანსება	99.8	111.6	116.0	143.3	157.8	167.3

### 2.1 სკოლამდელი აღზრდის ხელშეწყობა

სკოლამდელი განათლების განვითარების სისტემის სტრატეგიული მიზანია, სკოლამდელი აღზრდის სისტემა გახდეს სკოლასა და შემდგომ ცხოვრებაში წარმატების მიღწევის ინსტრუმენტი. პროგრამის ფარგლებში მოხდება სკოლამდელი განათლების ხარისხის გაუმჯობესების ხელშეწყობა და ხელმისაწვდომობის უზრუნველყოფა. ასევე, პროგრამის მიზანია სკოლამდელი აღზრდის ცენტრის და მისი ფილიალების ეფექტიანი ფუნქციონირების უზრუნველყოფა, რომელიც გულისხმობს: სკოლამდელი აღზრდის სფეროში მართვის პოლიტიკის განხორციელებას, სტანდარტების შესაბამისი სააღმზრდელო პროგრამა/მეთოდოლოგიის დახვეწას, სტანდარტების შესაბამისი კვებით უზრუნველყოფას და აღსაზრდელთა უსაფრთხოების მიზნით საბავშვო ბაღების ინფრასტრუქტურის განვითარებას.

მუნიციპალიტეტში ამ ეტაპზე ფუნქციონირებს 14 საბავშვო ბაღი, სადაც სკოლამდელ განათლებას იღებს 650-ზე მეტი ბავშვი. პროგრამის ფარგლებში მუნიციპალიტეტი აფინანსებს საბავშვო ბაღების ფუნქციონირებასთან დაკავშირებულ ყველა ხარჯს. საბავშვო ბაღებში ერთი ბავშვის კვება-დღის ღირებულება შეადგენს 2.0 ლარს, ასევე 2016 წელს დაგეგმილია სოფ. ბულაჩაურში, სოფ. ქვეშეთში და სოფ. ოძისში საბავშვო ბაღების გახსნა.

**მოსალოდნელი შუალედური შედეგები:**

- გაუმჯობესებული და უსაფრთხო საამღზრდელო გარემო;
- გაუმჯობესებული ინფრასტრუქტურა;
- ბავშვების პერსონალის შრომითი პირობების გაუმჯობესება და დასაქმების ხელშეწყობა;
- აღსაზრდელთა შესაბამისი პირობებით უზრუნველყოფა.

**შედეგების შეფასების ინდიკატორები:**

- არანაკლებ სამი ახალი ბაღის გახსნა;
- საბავშვო ბაღებში აღსაზრდელებისა და ჯგუფების რაოდენობის გაზრდა;
- სათანადოდ აღჭურვილი საბავშვო ბაღების რაოდენობა.

**2.3 მოსწავლეთა ხელშეწყობის ცენტრის დაფინანსება**

პროგრამის ფარგლებში, მოსწავლეთა ხელშეწყობის მიზნით, მუნიციპალიტეტი აფინანსებს მაღაროსკარის, ბარისახოს და შატილის სკოლა-პანსიონებს. პროგრამის მიზანია ხელი შეუწყოს დაშორებულ დასახლებებში მცხოვრებ საჯარო სკოლის მოსწავლეთა ნორმალურ აღზრდას, უზრუნველყოს ისინი საცხოვრებელითა და კვებით, შეუქმნას ოჯახურ გარემოსთან მიახლოებული პირობები, დაეხმაროს მათ ზოგადი განათლების მიღების პროცესში. პანსიონებში ბავშვთა რაოდენობა შეადგენს 47-ს. კვების ხარჯი ერთ ბავშვზე შეადგენს 2,50 ლარს, რაც მთლიანად მუნიციპალიტეტის ბიუჯეტიდან ფინანსდება. კვების ხარჯების გარდა, მუნიციპალიტეტი აფინანსებს პანსიონების ფუნქციონირებასთან დაკავშირებულ ყველა სხვა ხარჯს.

**მოსალოდნელი შუალედური შედეგი:**

- გაუმჯობესებული სასწავლო პროცესი;
- საგანმანათლებლო დონის ამაღლება;
- მოსახლეობის სხვადასხვა ფენისათვის (ასაკობრივი და სოციალური ჯგუფების) განათლების ხელმისაწვდომობა.

**შედეგების შეფასების ინდიკატორები:**

- მოსწავლეთა რაოდენობის ზრდა.

**3. კულტურა, რელიგია, ახალგაზრდობის ხელშეწყობა და სპორტი**

მუნიციპალიტეტის ინფრასტრუქტურული და ეკონომიკური განვითარების პარალელურად აუცილებელია ხელი შეეწყოს კულტურული ტრადიციების დაცვას და ღირსეულ გაგრძელებას. ამასთანავე, ერთ-ერთი პრიორიტეტია ახალგაზრდობის მრავალმხრივი (როგორც სულიერი, ისე

ფიზიკური თვალსაზრისით) განვითარების ხელშეწყობა და მათში ცხოვრების ჯანსაღი წესის დამკვიდრება. შესაბამისად, მუნიციპალიტეტი განაგრძობს კულტურული დაწესებულებების ფინანსურ მხარდაჭერას, წარმატებული სპორტსმენების ხელშეწყობას და შესაბამისი პირობების შექმნას, რათა ნიჭიერმა ბავშვებმა და ახალგაზრდებმა შეძლონ სპორტული შესაძლებლობების გამოვლინება. ასევე აფინანსებს ახალგაზრდებში ცხოვრების ჯანსაღი წესის წახალისების მიზნით გასატარებელ ღონისძიებებს.

ათასი ლარი

N	დასახელება	2014 წლის ფაქტი	2015 წლის გეგმა	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
<b>3</b>	<b>კულტურა რელიგია ახალგაზრდობის ხელშეწყობა და სპორტი</b>	<b>739.3</b>	<b>1007.5</b>	<b>1116.2</b>	<b>1190.0</b>	<b>1347.3</b>	<b>1421.8</b>
<b>3.1</b>	<b>სპორტის განვითარების ხელშეწყობა</b>	<b>287.2</b>	<b>397.6</b>	<b>453.1</b>	<b>554.9</b>	<b>600.5</b>	<b>644.7</b>
3.1.1	სპორტული ღონისძიებების დაფინანსება	36.7	40.0	40.0	50.2	53.7	55.9
3.1.2	სასპორტო გაერთიანების ხელშეწყობა	206.8	266	284	344.3	375.3	403.8
3.1.3	საფეხბურთო კლუბი "არაგვის" ხელშეწყობა	43.7	91.6	83.8	105.4	111.5	120.0
3.1.4	რაგბის კლუბის ხელშეწყობა	0.0	0.0	45.3	55.0	60.0	65.0
<b>3.2</b>	<b>კულტურის განვითარების ხელშეწყობა</b>	<b>436.0</b>	<b>584.9</b>	<b>643.1</b>	<b>607.1</b>	<b>716.2</b>	<b>744.8</b>
3.2.1	კულტურული ღონისძიებების დაფინანსება	87.5	95.0	80.0	90.0	95.0	100.0
3.2.2	სახელოვნებო სკოლების ხელშეწყობა	35.6	44.3	43.2	47.4	61.0	61.4
3.2.3	ბიბლიოთეკების ხელშეწყობა	78.6	81.4	78.7	121.9	122.7	122.9
3.2.4	მუზეუმების ხელშეწყობა	23.9	25.9	24.2	31.5	39.5	42.1
3.2.5	კულტურულ საგანმანათლებლო ცენტრის ხელშეწყობა	26.1	33.8	32.7	54.0	63.3	70.6
3.2.6	კულტურის სახლების ხელშეწყობა	127.9	221.2	269.5	135.9	185.5	186.5
3.2.7	ტელემაუწყებლობის და საგამომცემლო საქმიანობის ხელშეწყობა	2.6	3.3	3.3	3.3	3.3	3.3
3.2.8	მუსიკალური კოლექტივების ხელშეწყობა	53.8	58.2	59.5	66.1	78.9	86.0
3.2.9	საქართველოს ფოლკლორის სახელმწიფო ცენტრის ხელშეწყობა	0.0	10.0	12.0	12.0	12.0	12.0

N	დასახელება	2014 წლის ფაქტი	2015 წლის გეგმა	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
3.2.10	ა(ა)იპ"დუშეთის მუნიციპალიტეტის კულტურული მემკვიდრეობის დაცვის და ტურიზმის განვითარების ცენტრის" ხელშეწყობა	0.0	11.8	40.0	45.0	55.0	60.0
3.3	ახალგაზრდული პროგრამების დაფინანსება	12.2	15.0	10.0	8.5	9.1	9.8
3.4	რელიგიური ორგანიზაციების ხელშეწყობა	3.9	10.0	10.0	19.5	21.5	22.5

### 3.1 სპორტის განვითარების ხელშეწყობა

პროგრამის ფარგლებში მოხდება სხვადასხვა სპორტული სახეობების პოპულარიზაცია, განხორციელდება სპორტული დაწესებულებების ფინანსური მხარდაჭერა, რათა უზრუნველყოფილი იყოს სპორტსმენების სავარჯიშოდ შესაბამისი პირობების შექმნა და ნიჭიერი სპორტსმენების წახალისება, სხვადასხვა სპორტული სახეობების ასაკობრივი გუნდების მზადება და მონაწილეობა საერთაშორისო და ადგილობრივ სპორტულ ღონისძიებებში (მსოფლიო, ევროპის და საქართველოს ჩემპიონატები, პირველობები, თასების გათამაშებები, მასობრივი სპორტული ღონისძიებები, საერთაშორისო ტურნირები, სასწავლო საწვრთნელი შეკრებები). ჩატარდება მუნიციპალური, რეგიონული, საერთაშორისო და რესპუბლიკური ტურნირები ჭიდაობის სხვადასხვა სახეობებში, უმცროს ასაკში, ჭაბუკებსა და ახალგაზრდებში, ასევე რეგიონული და რესპუბლიკური ტურნირები ფეხბურთში, ფრენბურთში, ნიჩბოსნობაში, კრივში; დუშეთის სპორტულ სკოლას წარმატებები სხვადასხვა სპორტის სახეობებში, სადაც კარგი მიღწევებით გამოირჩევიან.

#### მოსალოდნელი საბოლოო შედეგები:

- ახალგაზრდებში ცხოვრების ჯანსაღი წესის დამკვიდრება;
- ქვეყნის ნაკრების შევსება ახალგაზრდა პერსპექტიული სპორტსმენებით;
- სპორტის სხვადასხვა სახეობების ადგილობრივი და საერთაშორისო რანგის შეჯიბრებებში სპორტსმენტა წარმატებული გამოსვლა;
- მატერიალურად წახალისებული და მოტივირებული მწვრთნელ-მასწავლებლები და ახალგაზრდა, პერსპექტიული სპორტსმენები.

#### შედეგების შეფასების ინდიკატორები:

- სხვადასხვა ტურნირებზე წარმატებული სპორტსმენების რაოდენობა;
- პრიზიორთა რაოდენობა სხვადასხვა რანგის შეჯიბრებზე;
- სპორტულ ჯგუფებსა და სექციებში ჩაბმულ ბავშვთა და მოზარდთა რაოდენობა;

- საერთაშორისო სტანდარტების და თანამედოვე ინვენტარით აღჭურვილი სპორტული ობიექტების რაოდენობა.

### **3.1.1 სპორტული ღონისძიებების დაფინანსება**

ქვეპროგრამის ფარგლებში ხელი შეეწყობა სპორტული ღონისძიებების დაფინანსებას, რაც ხელს შეუწყობს მუნიციპალიტეტში მცხოვრები ახალგაზრდების ჯანსაღი ცხოვრების წესის დამკვიდრებას. ჩატარდება სხვადასხვა სპორტული შეჯიბრებები სკოლებს შორის და ასევე მოზდილებს შორის სპორტის მრავალ სახეობებში.

### **3.1.2 სასპორტო გაერთიანების ხელშეწყობა**

ქვეპროგრამის ფარგლებში მუნიციპალიტეტი აფინანსებს დუშეთის სასპორტო სკოლის ფუნქციონირებასთან დაკავშირებულ ხარჯებს და ასევე აპარატის ხარჯებს, რომელიც ახორციელებს გაერთიანებაში შემავალი ფილიალების მენეჯმენტს. სასპორტო სკოლაში ფუნქციონირებს სპორტის 10 სახეობა (ფეხბურთი, ჭიდაობა, კალათბურთი, ჭადრაკი, ფრენბურთი, ნიჩბოსნობა, კრივი, კარატე, ტანვარჯიში, ძალოსნობა) სადაც მოსწავლეთა რაოდენობა დაახლოებით 400-ია.

### **3.1.3 საფეხბურთო კლუბ „არაგვის“ ხელშეწყობა**

ქვეპროგრამის ფარგლებში დაგეგმილია საფეხბურთო კლუბ „არაგვის“ დაფინანსება, რომელიც ითვალისწინებს: საქართველოს ჩემპიონატში მონაწილეობის საწევრო გადასახადს, ფეხბურთელთა ტრანსპორტით მომსახურებას, შეკრების ხარჯებს, სხვადასხვა ინვენტარის, უნიფორმის შეძენას და ჩასატარებელი თამაშების მოგების შემთხვევაში გუნდის წევრების ფულადი ფორმით წახალისებას.

### **3.1.4 რაგბის კლუბის ხელშეწყობა**

ქვეპროგრამის ფარგლებში დაგეგმილია დუშეთის რაგბის კლუბის დაფინანსება, რომელიც ითვალისწინებს: საქართველოს ჩემპიონატში მონაწილეობის საწევრო გადასახადს, რაგბისტთა ტრანსპორტით მომსახურებას, შეკრების ხარჯებს, სხვადასხვა ინვენტარის, უნიფორმის შეძენას და ჩასატარებელი თამაშების მოგების შემთხვევაში გუნდის წევრების ფულადი ფორმით წახალისებას.

## **3.2 კულტურის განვითარების ხელშეწყობა**

მუნიციპალიტეტის კულტურული ცხოვრება ყოველთვის გამოირჩევა მრავალფეროვნებითა და ღონისძიებების სიმრავლით, რაც ხელს უწყობს, როგორც ქართველი ხელოვანების შემოქმედებითი იდეების რეალიზებას, ასევე მუნიციპალიტეტის, კულტურული სტატუსის დამკვიდრებას. პროგრამა გულისხმობს ხელოვანების ღირსეულად წარმოჩენას, მათ ხელშეწყობას და მათი პროექტების მემშვეობით მუნიციპალიტეტის კულტურული ცხოვრების გამრავალფეროვნებას, ღვაწლმოსილი ხელოვანების სათანადოდ დაფასებასა და მათი შემოქმედებითი სადამოების ორგანიზებას, სახელმწიფო სახალხო და რელიგიური



სადღესასწაულო ღონისძიებების აღნიშვნას, ტრადიციების შენარჩუნების გათვალისწინებით და მოსახლეობისა და ტურისტებისათვის სასიამოვნო და დაუვიწყარი გარემოს შექმნას, სხვადასხვა კულტურული ღონისძიებების, მათ შორის სადღესასწაულო დღეებში სხვადასხვა გასართობი და სანახაობრივი ღონისძიებების ჩატარებას, კულტურულ-საგანმანათლებლო პროცესებში სხვადასხვა თაობის ხელოვანების ჩართულობას. მუნიციპალიტეტის კულტურული ტრადიციების დაცვის მიზნით, პროგრამის ფარგლებში აგრეთვე გაგრძელდება კულტურული დაწესებულებების ფინანსური მხარდაჭერა.

#### **მოსალოდნელი საბოლოო შედეგები:**

- მოსახლეობაში ქართული კულტურისა და ტრადიციების დაცვა და შენარჩუნება;
- ღვაწლმოსილი ადამიანების დაფასება;
- ნიჭიერი შემოქმედების წარმოჩენა, შემოქმედებითი პროცესის ინტენსივობა;
- კულტურული მემკვიდრეობის ადგილებში ტურისტების რაოდენობის ზრდა;
- საინტერესო და მრავალფეროვან ღონისძიებებზე მოსახლეობის და ხელოვანების ჩართულობა და მონაწილეობა.

#### **შედეგების შეფასების ინდიკატორები:**

- ხელოვნების და კულტურის განვითარების მხარდამჭერი პროექტების რაოდენობა;
- პროექტებისა და ღონისძიებების რაოდენობა.
- ფესტივალებში, კონკურსებსა და საიუბილეო ღონისძიებებში მონაწილეთა და დამსწრეთა რაოდენობა.

### **3.2.1 კულტურული ღონისძიებების დაფინანსება**

ქვეპროგრამა ითვალისწინებს ეროვნული თუ ადგილობრივი დღესასწაულების ორგანიზებას და სხვადასხვა კულტურული ღონისძიებების ჩატარების ხელშეწყობას, შემოქმედებითი კოლექტივებისა და ინდივიდუალური შემსრულებლების, ფესტივალებში, კონკურსებსა და გამოფენებში მონაწილეობის ხელშეწყობას, ხელოვნების სკოლების მოსწავლეთა შემოქმედებითი სადამოების მოწყობას და სხვა.

### **3.2.2 სახელოვნებო სკოლების ხელშეწყობა**

სახელოვნებო განათლება ქვეყნის კულტურისა და განათლების პოლიტიკის განუყოფელი ნაწილია, როგორც ქართული კულტურის სულიერი და მატერიალური მემკვიდრეობის შენარჩუნებისა და ხელოვნების განვითარების, ისე ჩამოყალიბების პროცესში მყოფი ერთიანი საგანმანათლებლო სივრცის სრულყოფის საკითხში. ქვეპროგრამის ფარგლებში მუნიციპალიტეტი აფინანსებს სახელოვნებო სკოლის ფუნქციონირებასთან დაკავშირებულ ხარჯებს. სახელოვნებო სკოლაში ფუნქციონირებს ხატვის, ძერწვის, თექაზე მუშაობის, ლიტერატურის, საეკლესიო საგალობლების წრეები, სადაც სწავლობს დაახლოებით 110 მოსწავლე.

### 3.2.3 ბიბლიოთეკების ხელშეწყობა

ახალგაზრდა თაობის ინტელექტუალური, ზნეობრივი და კულტურული განვითარების მიზნით, ისევე როგორც გასულ წლებში გაგრძელდება ადგილობრივი ბიბლიოთეკების დაფინანსება. პროგრამის ფარგლებში ფინანსდება ქ.დუშეთის ალ. როინაშვილის სახელობის მთავარი ბიბლიოთეკა და ანანურის, ფასანაურის, ჭოპორტის სასოფლო ბიბლიოთეკები, აღნიშნული ბიბლიოთეკები ხელს უწყობს ახალი თაობის დაინტერესებას წიგნით და საზოგადოების განათლებისთვის საჭირო ინფორმაციით, ასევე ხელს უწყობს მოსწავლე-ახალგაზრდობის ინტელექტუალურ განვითარებას და მოსახლეობის საჭირო ლიტერატურით მომარაგებას.

### 3.2.4 მუზეუმების ხელშეწყობა

ქვეპროგრამის ფარგლებში განსახორციელებელი პროექტების მხარდაჭერა, მათ შორის: მუზეუმების საქმიანობის პოპულარიზაცია; ადგილობრივი მნიშვნელობის მუზეუმების მოვლა-პატრონობა და სრულყოფილი ფუნქციონირებისათვის შესაბამისი პირობების შექმნა; ადგილობრივი მნიშვნელობის მუზეუმებზე არსებული ინფორმაციის შევსება, განახლება და სისტემატიზაცია, სამუზეუმო ფონდების განახლების, მართვის გაუმჯობესების ხელშეწყობი ღონისძიებები, მუზეუმების პოპულარიზაციისა და განვითარების ხელშეწყობის ღონისძიებები, მუზეუმების საგამოფენო-საექსპოზიციო საქმიანობის გააქტიურება, რაც ხელს შეუწყობს მუზეუმებში დამთვალიერებელთა რაოდენობის ზრდას. ქვეპროგრამის ფარგლებში ფინანსდება დანიელ ჭონქაძის სახელობის და დუშეთის მხარეთმცოდნეობის მუზეუმები რაც ხელს უწყობს ტრადიციული მემკვიდრეობის შენარჩუნებას და ტურისტების გათვითცნობიერებას ადგილობრივ კულტურასთან.

### 3.2.5 კულტურულ-საგანმანათლებლო ცენტრის ხელშეწყობა

ქვეპროგრამა ითვალისწინებს კულტურულ-საგანმანათლებლო ცენტრის ხარჯების დაფინანსებას, რომლის ფუნქციაშიც შედის, კულტურის სახლების, მუსიკალური კოლექტივების, მუზეუმების და სახელოვნებო სკოლის კოორდინირება.

### 3.2.6 კულტურის სახლების ხელშეწყობა

ქვეპროგრამის ფარგლებში ფინანსდება ქ.დუშეთის და დაბა ჟინვალის კულტურის სახლები. აღნიშნული კულტურის სახლები ემსახურება პოეზიის სადამოების, ფოლკლორული და თეატრალური ღონისძიებების ჩატარებას. ამავე ქვეპროგრამის ფარგლებში ფინანსდება კულტურის სახლთან არსებული ქართული ხალხური საკრავების და სიმღერის ანსამბლი „ქალილო“.

### 3.2.7 ტელემარშრუტების და საგამომცემლო საქმიანობის ხელშეწყობა

ქვეპროგრამა ითვალისწინებს გაზეთ „დუშეთის მაცნეს“ დაფინანსებას, რომელიც ახდენს ადგილობრივი მოსახლეობის ინფორმირებას სხვადასხვა საინტერესო საინფორმაციო

სიახლეებით, ასევე ხდება ინფორმაციის მიწოდება მუნიციპალიტეტის მიერ განხორციელებული და განსახორციელებელი პროგრამების შესახებ.

### **3.2.8 მუსიკალური კოლექტივების ხელშეწყობა**

ქვეპროგრამის ფარგლებში მუნიციპალიტეტი აფინანსებს ქ. დუშეთის, დაბა ჟინვალის და დაბა ფასანაურის სამუსიკო სკოლებს, სადაც სწავლობს დაახლოებით 187 მოსწავლე, რომლებიც წარმატებით მონაწილეობენ სხვადასხვა მუსიკალურ კონკურსსა და მუსიკალურ ფესტივალებში. სამუსიკო სკოლების დაფინანსება ხდება როგორც ადგილობრივი ბიუჯეტიდან, ისე მშობელთა შემონატანით. თითოეულ ბავშვზე სწავლის გადასახდი თვეში შეადგენს 20 ლარს.

### **3.2.9 საქართველოს ფოლკლორის სახელმწიფო ცენტრის ხელშეწყობა**

ქვეპროგრამის ფარგლებში დაგეგმილია საქართველოს ფოლკლორის სახელმწიფო ცენტრის წარმომადგენლობა დუშეთში - სალოტბარო სკოლის დაფინანსება, რომლის ამოცანაც იქნება ადგილობრივ დონეზე ქართული ხალხური სიმღერის დაცვა და განვითარება. ცენტრი განახორციელებს ახალგაზრდობის აქტიურ ჩაბმას ცენტრის მიერ მოწყობილ ფესტივალებსა და ღონისძიებებში. დაეხმარება გამორჩეულ, ნიჭიერ ახალგაზრდებს. ხელს შეუწყობს სალოტბარო სკოლის დამთავრების შემდეგ წარჩინებულ მოსწავლეებს, რათა ჩააბარონ გიორგი მთაწმინდელის სახელობის საეკლესიო გალობის აკრედიტებულ უმაღლეს სასწავლებელში, სადაც ექნებათ საშუალება ისწავლონ უფასოდ და მიღონ ბაკალავრის და შემდეგ მაგისტრის ხარისხი.

### **3.2.10 ა(ა)იპ "დუშეთის მუნიციპალიტეტის კულტურული მემკვიდრეობის დაცვის და ტურიზმის განვითარების ცენტრის" ხელშეწყობა**

ქვეპროგრამის ფარგლებში განხორციელდება, დუშეთის მუნიციპალიტეტში არსებული კულტურული მემკვიდრეობის ფუნდამენტური და გამოყენებითი კვლევა და პოპულარიზაცია, მოხდება მუნიციპალიტეტის ტურისტული განვითარების პოტენციალის კვლევა, კულტურული მემკვიდრეობის დაცვის და ტურიზმის განვითარების ხელშემწყობი მუნიციპალური პროგრამების შემუშავება და მათ განხორციელებაში მონაწილეობა. განხორციელდება მუნიციპალიტეტის ტერიტორიაზე არსებული არქეოლოგიური, არქიტექტურული, ქალაქთმშენებლობის (ურბანული), პალეოგრაფიული, მემორიალური, ეთნოგრაფიული და სხვა ტიპის ძეგლების გამოვლენა, შესწავლა და სათანადო საინფორმაციო ბაზის შექმნა, ასევე კულტურული მემკვიდრეობის დაცვის მიზნით სათანადო ღონისძიებების განხორციელება. მნიშვნელოვანია ასევე კულტურული მემკვიდრეობის დაცვის პროცესში ფართო საზოგადოების მონაწილეობის უზრუნველყოფა, მოხალისეთა და დონორთა მოზიდვა, მუნიციპალიტეტის კულტურული მემკვიდრეობის, ბუნებრივ ღირსშესანიშნაობათა და სხვა ობიექტების ტურისტული პოტენციალის, შესაძლებლობებისა და უპირატესობების გამოვლენა, გააზრება და განვითარება, ტურიზმის განვითარების ხელშეწყობის მიზნობრივი პროგრამების შემუშავება. მათ შორის: ეთნოტურიზმის, სათავგადასავლო ტურიზმის, საოჯახო ტურიზმის, პილიგრიმული ტურიზმის, აგრო-ტურიზმის, ადგილობრივი ტრადიციული სამზარეულოს პოპულარიზაციის, ადგილობრივი ტრადიციული დღესასწაულების აღდგენის და პოპულარიზაციის ხელშეწყობა.

### 3.3 ახალგაზრდული პროგრამების დაფინანსება

პროგრამის ფარგლებში მოხდება ახალგაზრდა შემოქმედთა გამოსავლენად და ხელშესაწყობად ფესტივალების, გამოფენების, ლიტერატურული სადამოების და სხვა კულტურული ღონიძიებების ორგანიზება, რომლებიც პირველ ყოვლისა ორიენტირებული იქნება განსაკუთრებული საჭიროების მქონე მომავალი თაობების წარმომადგენელთა დახმარებაზე. აღნიშნული ხელს შეუწყობს ახალგაზრდა თაობის მეტ ჩართულობას მუნიციპალიტეტის ყოველდღიურ საქმიანობასა და მის განვითარებაში. ხელი შეეწყობა ახალგაზრდებში ჯანსაღი ცხოვრების წესის დამკვიდრებას.

#### მოსალოდნელი საბოლოო შედეგები:

- ახალგაზრდების მხრიდან თავისუფალი დროის შიანარსიანი და ეფექტური გამოყენება;
- ახალგაზრდული ორგანიზაციების საქმიანობის არეალის გაფართოვება და მათი აქტივობის ზრდა;
- განსაკუთრებით ნიჭიერი ახალგაზრდების გამოვლენა;
- ახალგაზრდების საზოგადოებრივ საქმიანობაში ჩართვა.

#### შედეგების შეფასების ინდიკატორები:

- განხორციელებული პროექტების რაოდენობა;
- პროექტებში ჩართული ახალგაზრდების რაოდენობა.

### 3.4 რელიგიური ორგანიზაციების ხელშეწყობა

პროგრამის ფარგლებში ხელი შეეწყობა დუშეთის მუნიციპალიტეტის ტერიტორიაზე მდებარე ეკლესია - მონასტრების ფინანსურ მხარდაჭერას.

#### მოსალოდნელი საბოლოო შედეგები:

- ეკლესიაში წირვა - ლოცვისთვის შესაბამისი გარემოს შექმნა;

#### შედეგების შეფასების ინდიკატორები:

- მრევლის რაოდენობა.

### 4. მოსახლეობის ჯანმრთელობისა დაცვა და სოციალური უზრუნველყოფა

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. ჯანმრთელობის დაცვა და სოციალური მომსახურება კვლავ რჩება ერთ-ერთ ძირითად პრიორიტეტულ მიმართულებად. პრიორიტეტი ითვალისწინებს პროგრამებს და ქვეპროგრამებს, რომლებმაც უნდა უზრუნველყოს მოსახლეობისათვის ჯანმრთელობის დაცვის მომსახურების ხელმისაწვდომობა, გააუმჯობესოს ჯანმრთელობის დაცვის მომსახურების ხარისხი და უზრუნველყოს საჭიროებებზე დაფუძნებული სოციალური გარანტიების შესაბამისი ბენეფიციარებისათვის შეთავაზება; პრიორიტეტის ფარგლებში ბენეფიციარები უზრუნველყოფილი იქნებიან გარანტირებული სოციალური

დახმარებებით, მათი საჭიროებიდან გამომდინარე. ამ მიზნით განხორციელდება ჯანმრთელობისა და სოციალური დაცვის სხვადასხვა პროგრამები და ქვეპროგრამები, მათ შორის: სამკურნალო დაწესებულებებში სოციალურად დაუცველი მოსახლეობის მკურნალობის და ოპერაციის ხარჯები, მაღალმთიან სოფლებში მცხოვრები მოსახლეობის და სტუდენტების მგზავრობის ხელშეწყობა, სოციალურად დაუცველი ოჯახების ერთჯერადი ფულადი დახმარება, საავადმყოფო ფურცელზე მყოფი მუშაკების დაფინანსება, სოციალურად დაუცველი მოსახლეობის მედიკამენტებით უზრუნველყოფა, ა(ა)იპ „უფასო სასადილო მზრუნველობამოკლებულთათვის“ დაფინანსება, სტიქიური უბედურებების შედეგად დაზარალებული მოსახლეობის დახმარება, ომის ვეტერანთა სარიტუალო მომსახურების ხარჯი, და პროექტ „დღის სოციალური ცენტრი-დუშეთში“ ხელშეწყობა. მუნიციპალიტეტი რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებით და შეღავათების უზრუნველყოფას. გრძელდება საზოგადოებრივი ჯანმრთელობის დაცვის მიზნით ადგილობრივ დონეზე სხვადასხვა ღონისძიებების განხორციელება, რაც უზრუნველყოფს მუნიციპალიტეტის მოსახლეობის ჯანმრთელობის დაცვას სხვადასხვა გადამდები და ინფექციური დაავადებებისაგან.

ათასი ლარი

N	დასახელება	2014 წლის ფაქტი	2015 წლის გეგმა	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
4	<b>მოსახლეობის ჯანმრთელობის დაცვა და სოციალური უზრუნველყოფა</b>	<b>520.1</b>	<b>837.5</b>	<b>504.1</b>	<b>729.8</b>	<b>767.8</b>	<b>812.1</b>
4.1	საზოგადოებრივი ჯანდაცვის მომსახურება	60.3	46.2	42.1	57.8	64.7	75.0
4.2	<b>მოსახლეობის სოციალური უზრუნველყოფა</b>	<b>459.8</b>	<b>791.3</b>	<b>462.0</b>	<b>672.0</b>	<b>703.1</b>	<b>737.1</b>
4.2.1	სამკურნალო დაწესებულებებში სოციალურად დაუცველი მოსახლეობის მკურნალობის და ოპერაციის ხარჯები	151.8	238.2	180.0	255.0	260.0	265.0
4.2.2	მაღალმთიან სოფლებში მცხოვრები მოსახლეობის და სტუდენტების მგზავრობის ხელშეწყობა	10.9	54.1	12.6	30.0	40.0	50.0
4.2.3	სოციალურად დაუცველი ოჯახების ერთჯერადი ფულადი დახმარება	97.8	117.4	110.0	145.0	150.0	155.0
4.2.4	საავადმყოფო ფურცელზე მყოფი მუშაკების დახმარება	25.8	15.0	10.0	25.0	25.0	25.0
4.2.5	სოციალურად დაუცველი მოსახლეობის მედიკამენტებით უზრუნველყოფა	16.9	40.0	15.0	65.0	70.0	75.0
4.2.6	ა(ა)იპ „უფასო სასადილო მზრუნველობამოკლებულთათვის“ დაფინანსება	78.6	93.6	103.1	115.5	121.6	130.6
4.2.7	სტიქიური უბედურებების შედეგად დაზარალებული მოსახლეობის დახმარება	45.4	190.0	0.0	0.0	0.0	0.0
4.2.8	სარიტუალო მომსახურება	2.2	4.0	6.0	6.5	6.5	6.5
4.2.9	დევენილთა სოციალური დახმარება	8.6	13.7	0.0	0.0	0.0	0.0
4.2.10	პროექტ "დღის სოციალური ცენტრი-დუშეთში" ხელშეწყობა	21.8	25.3	25.3	30.0	30.0	30.0

#### 4.1 საზოგადოებრივი ჯანდაცვის მომსახურება

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ:

- გადამდებ დაავადებათა ეპიდზედამხედველობა და კონტროლის ღონისძიებები;
- იმუნოპროფილაქტიკის დაგეგმვა, განხორციელების ხელშეწყობა, საინფორმაციო სისტემის უზრუნველყოფა;
- იმუნოპროფილაქტიკის ლოჯისტიკის უზრუნველყოფა;
- პარაზიტული დაავადებების ეპიდკვლევა, დიაგნოსტიკა, პროფილაქტიკური მკურნალობა;
- საგანმანათლებლო, საადმინისტრაციო და საგანმანათლებლო-საადმინისტრაციო დაწესებულებებში სანიტარული და ჰიგიენური ნორმების დაცვის ზედამხედველობა, პრევენციული ღონისძიებების ხელშეწყობა;
- მუნიციპალიტეტის მოსახლეობის ჯანმრთელობის მდგომარეობაზე ზედამხედველობა და ხელშეწყობა.

ასევე პროგრამის ფარგლებში გათვალისწინებულია დაბებში: ჟინვალსა და ფასანაურში სამედიცინო ამბულატორიების მშენებლობისათვის საძირკვლების მოწყობა.

##### **მოსალოდნელი საბოლოო შედეგი:**

- მოსახლეობის დაცვა სხვადასხვა ინფექციურ დაავადებათა გავრცელებისგან.
- მოსახლეობის ჯანმრთელობის მდგომარეობის გაუმჯობესება.

##### **შედეგების შეფასების ინდიკატორები:**

- ჩატარებული პრევენციული ღონისძიებების რაოდენობა;
- პროგრამაში მონაწილე ბენეფიციართა რაოდენობა.

#### 4.2 მოსახლეობის სოციალური უზრუნველყოფა

პროგრამა ითვალისწინებს მუნიციპალიტეტის ტერიტორიაზე მცხოვრები მოსახლეობის სხვადასხვა ფენებისათვის გარკვეული შეღავათებითა და სოციალური დახმარებებით უზრუნველყოფას. სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში კანონმდებლობით გათვალისწინებული სარიტუალო მომსახურების ხარჯების ანაზღაურებას, დემოგრაფიული მდგომარეობის გაუმჯობესების მიზნით მრავალშვილიანი ოჯახების დახმარებას, მოხუცებულთა, მიუსაფართა და სოციალურად დაუცველთა კვებით უზრუნველყოფას და სხვა სოციალურ ღონისძიებებს, რომლებიც მთლიანობაში უზრუნველყოფენ მუნიციპალიტეტის მოსახლეობის სოციალური მდგომარეობის გაუმჯობესებას.

#### მოსალოდნელი საბოლოო შედეგები:

- მუნიციპალიტეტში მოსახლეობის სოციალური-ეკონომიკური მდგომარეობის გაუმჯობესება;
- მუნიციპალიტეტში დემოგრაფიული მდგომარეობის გაუმჯობესება.

#### შედეგების შეფასების ინდიკატორები:

- პროგრამაში მონაწილე ბენეფიციართა რაოდენობა.

#### 4.2.1 სამკურნალო დაწესებულებებში სოციალურად დაუცველი მოსახლეობის მკურნალობის და ოპერაციის ხარჯები

ქვეპროგრამის ფარგლებში დახმარება გაეწევათ ჯანმრთელობის პრობლემების მქონე, გადახდისუუნარო მოქალაქეებს, რომლებსაც შეიძლება დაუფინანსდეს შემდეგი სამედიცინო მომსახურების სახეები:

ა) წინასწარი ამბულატორიული გამოკვლევები;

ბ) სტაციონარული მკურნალობა;

გ) გადაუდებელი აუცილებლობის შემთხვევაში დუშეთის მუნიციპალიტეტიდან სხვა, ნებისმიერ საავადმყოფოში გადაყვანის ხარჯები.

სამედიცინო მომსახურების ღირებულება ფინანსდება:

- 500 ლარის ჩათვლით – 100% -მდე;
- 501 ლარიდან 1000 ლარის ჩათვლით – 70% - მდე;
- 1001 ლარიდან 3000 ლარის ჩათვლით – 55% - მდე;
- 3001 ლარიდან 5000 ლარის ჩათვლით - 35% -მდე;
- 5001 ლარიდან ზევით 25% –მდე.

საყოველთაო დაზღვევით მოსარგებლე 5 წლამდე ასაკის ბავშვებს და 80 წელს გადაცილებულ მოხუცებს თანადაფინანსების თანხა აუნაზღაურდებათ 100%-ით.

სიცოცხლისათვის საშიში მდგომარეობის შემთხვევაში გამოკვლევის, გადაუდებელი ოპერაციული და თერაპიული მკურნალობის 100%-ით დაფინანსება (არაუმეტეს 3,000.00 ლარისა), ხორციელდება დუშეთის მუნიციპალიტეტის გამგებლის ბრძანების საფუძველზე.

#### 4.2.2 მაღალმთიან სოფლებში მცხოვრები მოსახლეობის და სტუდენტების მგზავრობის ხელშეწყობა

ქვეპროგრამა ითვალისწინებს: სოფ. ჩოხიდან-დაბა ფასანაურამდე კვირაში 2-ჯერ და სოფ.ხორხიდან - ქ.დუშეთამდე კვირაში ერთხელ მოსახლეობის უფასოდ მგზავრობის ხელშეწყობას და დუშეთის მუნიციპალიტეტის ტერიტორიაზე მცხოვრები სტუდენტების მგზავრობის ხელშეწყობას.

#### 4.2.3 სოციალურად დაუცველი ოჯახების ერთჯერადი ფულადი დახმარება

ერთჯერადი დახმარების სახით 50 ლარიდან 200 ლარამდე ფინანსური დახმარება გაეწევათ:

ა) გაჭირვებულ მოქალაქეებს, (ადმინისტრაციულ ერთეულში გამგებლის წარმომადგენლის შუამდგომლობით), გარდა იმ მოქალაქეებისა, რომლებსაც მინიჭებული აქვს 57 000- მდე სარეიტინგო ქულა;

ბ) ჯანმრთელობის განსაკუთრებული პრობლემების მქონე მოქალაქეებს, კერძოდ: დიაბეტით, ეპილევსიით, პარკინსონიზმით დაავადებულებს, ონკოლოგიურ ავადმყოფებს, I და II ჯგუფის ინვალიდებს, უსინათლოებს;

გ) შეზღუდული შესაძლებლობების მქონე პირებს, რომელთაც არ შეუძლიათ დამოუკიდებლად გადაადგილება;

დ) უპატრონო მიცვალებულის დაკრძალვისათვის - პირებს, რომელთაც ითავეს მიცვალებულის დაკრძალვა;

ე) მუნიციპალიტეტის ტერიტორიაზე მცხოვრებ უხუცესებს, რომელთაც შეუსრულდათ ასი და მეტი წელი;

ვ) ოჯახებს, პირველი და მეორე ბავშვის შექმნისას;

ზ) მეორე მსოფლიო ომის ვეტერანებს და მათთან გათანაბრებულ პირებს, 9 მაისს ფაშიზმზე გამარჯვების დღესთან დაკავშირებით.

თ) საქართველოს ტერიტორიული მთლიანობის, თავისუფლებისა და დამოუკიდებლობისათვის (აფხაზეთი, სამაჩაბლო) ბრძოლაში დაღუპულ მებრძოლთა ოჯახებს;

ი) 2008 წლის რუსეთ-საქართველოს ომის მონაწილეებს.

მუნიციპალიტეტის ტერიტორიაზე მცხოვრებ მრავალშვილიან (4 და მეტი არასრულწლოვანი შვილი) ოჯახებს ფინანსური დახმარება გაეწევათ 300 ლარის ოდენობით;

ჰემოდიალიზს დაქვემდებარებულ პირებს, ერთჯერადად 300 ლარის ოდენობით;

განსაკუთრებულ შემთხვევებში კომისიის გადაწყვეტილებით შესაძლებელია ზღვრულ ოდენობაზე მეტი თანხის გაცემა (არაუმეტეს 2000 ლარამდე) მუნიციპალიტეტის ადმინისტრაციულ ერთეულში გამგებლის წარმომადგენლის წერილობითი შუამდგომლობის საფუძველზე.

#### 4.2.4 საავადმყოფო ფურცელზე მყოფი მუშაკების დახმარება

ქვეპროგრამის ფარგლებში ხორციელდება საავადმყოფო ფურცელზე მყოფი მუშაკების დაფინანსება.

#### 4.2.5 სოციალურად დაუცველი მოსახლეობის მედიკამენტებით უზრუნველყოფა

ქვეპროგრამა მიზნად ისახავს მუნიციპალიტეტის ტერიტორიაზე მცხოვრები ავადმყოფებისა და სოციალურად გაჭირვებული მოქალაქეების მედიკამენტებით უზრუნველყოფას, მედიკამენტების ღირებულება 150 ლარის ფარგლებში დაუფინანსდებათ:

ა) ეპილევსიით დაავადებულებს;



ბ) პარკინსონით დაავადებულებს;

გ) სოციალურად დაუცველი ოჯახების მონაცემთა ერთიან ბაზაში რეგისტრირებულ პირებს, რომელთაც მინიჭებული აქვთ 0-100 000- მდე სარეიტინგო ქულა.

#### **4.2.6 ა(ა)იპ „უფასო სასაბიურო მზრუნველობამოკლებულთათვის“ დაფინანსება**

ქვეპროგრამა ითვალისწინებს „უფასო სასაბიურო მზრუნველობამოკლებულთათვის“ ფუნქციონირებასთან დაკავშირებულ ხარჯებს. უფასო სასაბიუროთი მომსახურება ითვალისწინებს მძიმე სოციალურ-ეკონომიკური მდგომარეობის მქონე 110 ბენეფიციარის დღეში ერთჯერად უფასო კვებას, გარდა კვირა დღისა. ერთი ბენეფიციარის კვება/დღის ხარჯი დღეში შეადგენს 1,80 ლარს.

#### **4.2.7 სტიქიური უბედურებების შედეგად დაზარალებული მოსახლეობის დახმარება**

ქვეპროგრამის ფარგლებში გათვალისწინებულია მუნიციპალიტეტის ტერიტორიაზე ხანძრით, სტიქიური მოვლენებით (მიწისძვრა, მეწყერი, წყალდიდობა, დიდთოვლობა და ა.შ) უსახლკაროდ დარჩენილი და სხვა მძიმე გარემოებათა გამო დაზარალებული ოჯახებს ერთჯერადად 1000 ლარამდე თანხის ოდენობით.

განსაკუთრებულ შემთხვევებში კომისიის გადაწყვეტილებით შესაძლებელია დახმარების სახით გაიცეს ზღვრულ ოდენობაზე მეტი ფულადი თანხა. (არაუმეტეს 3000 ლარი).

ასევე ქვეპროგრამის ფარგლებში გათვალისწინებულია 2012 წელს სტიქიური მოვლენების შედეგად სოფ. ზემო მლეთაში დაზარალებული 8 ოჯახისათვის კომპენსაციები.

#### **4.2.8 სარიტუალო მომსახურება**

ქვეპროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში მუნიციპალიტეტის ტერიტორიაზე მეორე მსოფლიო ომსა და საქართველოს ტერიტორიული ერთიანობისათვის ბრძოლებში გარდაცვლილ მეომართა ოჯახებზე სარიტუალო ხარჯებს 250 ლარის ოდენობით.

#### **4.2.10 პროექტის „დღის სოციალური ცენტრი-დუშეთში“ ხელშეწყობა**

ქვეპროგრამის ფარგლებში დაგეგმილია საქართველოს წითელი ჯვრის საზოგადოების და დუშეთის მუნიციპალიტეტის ერთობლივი პროექტის „დღის სოციალური ცენტრი-დუშეთში“ ხელშეწყობა, რომელიც მიზნად ისახავს სოციალურად იზოლირებულ და დაუცველი ოჯახების უმწეობის შემცირებას მათი სოციალური მხარდაჭერით, თემის მობილიზებითა და ადგილობრივი რესურსების გამოყენებით. ქვეპროგრამის ფარგლებში ჩატარდება სასწავლო სემინარები, ტრენინგები და სხვადასხვა სოციალური ღონისძიება.

### **5. თავდაცვა**

პრიორიტეტის ფარგლებში ქვეყნის თავდაცვისუნარიანობის ხარისხის ამაღლების ხელშეწყობის მიზნით ქ. დუშეთში ხორციელდება მოსწავლეთა პირველადი აღრიცხვა, წვევამდელთა გაწვევის პუნქტებამდე ტრანსპორტირება, ასევე სარეზერვო ძალების მობილიზება.

ათასი ლარი

N	დასახელება	2014 წლის ფაქტი	2015 წლის გეგმა	2016 წლის პროექტი	2017 წლის პროგნოზი	2018 წლის პროგნოზი	2019 წლის პროგნოზი
5	თავდაცვა და უსაფრთხოება	219.5	224.7	61.9	59.5	59.5	59.5
5.1	საგანგებო სიტუაციების მართვა	173.8	174.4	0.0	0.0	0.0	0.0
5.2	ქვეყნის თავდაცვის უნარიანობის ამაღლება	45.7	50.3	61.9	59.5	59.5	59.5

### 5.1 ქვეყნის თავდაცვისუნარიანობის ამაღლების ხელშეწყობა

ქვეყნის თავდაცვისუნარიანობის ხარისხის ამაღლების ხელშეწყობის მიზნით ქ. დუშეთში ხორციელდება მოსწავლეთა პირველადი აღრიცხვა, წვევამდელთა გაწვევის პუნქტებამდე ტრანსპორტირება. ასევე სარეზერვო ძალების მობილიზება, სამსახურის მომუშავე პერსონალისთვის შრომის ანაზღაურების კომუნალური და სხვა საოფისე ხარჯების დაფინანსება.

#### მოსალოდნელი საბოლოო შედეგი:

- თავდაცვის სამინისტროს მიერ მოწოდებული გეგმის მაქსიმალური შესრულება.

#### შედეგების შეფასების ინდიკატორები:

- წვევამდელთა რაოდენობა.